



PERSIA  
seu  
REGNI PERSICI  
Status.

*Variaque Itinera  
in atque per  
Persiam:*

cum

*Aliquot Iconibus  
Incolarum.*

*Cum Privilegio.*

*G. Cloufou  
Sculpsit.*

LVGD. BATAV. ex officina Elzeviriana,  
Anno c1713c xxxiii.



*Nobilissimo Amplissimoque  
Viro*

D. VVILHELMO  
BOSVELLO

Sereniss. M. BRITANNIAE Regis  
res jam Agenti apud Illustriss.  
& Præpotentes Fœderati  
Belgii Ordines

IOANNES de LAET S. D.



*Quod Persica hæc sub  
Amplissimo tuo nomine  
prodire voluerim, plures  
quidem causa sunt: nam  
bonam partem illustrandis magni  
huius Imperii provinciis, contule-  
runt Angli tui; & plura adhuc ab  
eorundem accuratis observationi-  
bus expectantur: Sed una præcipua,  
quod me tue singulari humanitati  
plurimum debere haud ignarus,  
hoc licet admodum levi testimonio,*



L

TOPOGRAPHICA

REGNI PERSICI

descriptio è variis probatis Au-  
thoribus concinpta.

**P**LVRES ac diversos do-  
minos (inquit Schikardus  
in Tarich) habuit vetustissi-  
mum Regnum Persiæ; in-  
digenas non semper, sed  
aliquando extraneos. Nam quum  
Alexander Darium vicisset, paruit ali-  
quandiu Macedonibus, donec orta in-  
ter eos dissensione, Arsaces à Theodo-  
ro Bactrianorum præfecto deficiens,  
rerum summam ad Parthos transfer-  
ret. Postea reductum fuit ad Persas,  
virtute Artaxerxis illius, qui ab Arabi-  
bus vocatur *Ardshir Babekan*. Sed nec  
istius familia tenuit ultra quatuor se-  
cula; eripuerunt enim id *Saraceni* Ca-  
liphæ. Post ipsos tamen emicuerunt  
*Pujani*, de sanguine priscorum Regum:  
quos excusserunt *Tatari*, duce Halacho.  
Denique recuperarunt avita regna *So-*

A 5

*phini*



PARS SECUNDA

*Quæ*

Varia itineraria in Persiam & per  
provincias Persiæ com-  
prehenduntur.



## I.

EXCERPTA EX ITINE-  
rario Iosephati Barbari, quæ  
Persiam attingunt.

**T** Harsum ( inquit ) egregiam urbem appulimus ; ea Dulgado ro paret , qui fratrem habuit Sessicarum nomine : Regio vero Sultani imperio subiecta est , licet Armeniæ minoris pars sit.

Nota è Leonclavio : *Provincia sive regio Dulgadit, à nostris partim Anadoule, partim Aladoule dicitur. Turcici vero Annales Dulgaditis nomen regioni tribuunt, cujus princeps ab iis dicitur Aladeule. Limites ditionis, Cappadocia montibus inclusa tunc tempora erant, versus Syriam Halepo: versus Persicū imperium Armenia minor: versus Turcicum Amasia; versus Carmaniam, Adana & Tarsus.*

Urbs tria milliaria in circuitu cōtinet, in eam pons lapideus per fluvium, quo fere undiquaque cingitur, aditum præbet. Arcem habet amplam ex lapide

sufficiat. Mahumetani vocant os inferni.

Ab Ayt trium dierum itinere per desertum pervenitur *Annam*, Arabum oppidum; quod tria milliaria in longitudinem patet, sed angustum; habitant Curdi, furacissimum hominum genus. Iuxta labitur Euphrates pernici cursu, qui regionem adjacentem rigat atque foecundat.

Ab hoc oppido scribit author se octodecim dierum itinere pervenisse Alep-  
pum, quum aliàs Caravana (ut ve-  
cant) quadraginta diebus id iter absol-  
vi soleat.

## V.

## ITINERARIUM

## ANTONII IENKINSONII

Angli, à Russia ad Bogar in Tar-  
taria, anno c1o 1o LVIII.

**A** Moscua secundo flumine descendit  
à *Collom* xx leuc. sub *Collom* circiter  
unam leucam Moscua fluvius confluit  
in Occam: à confluente ad castrum  
*Terrevetisko* viii leuc. quoad dextram  
relictò ad castrum *Peroslave* viii leuc.  
à quo ad veteris *Rezanie* rudera vi leuc.  
ad arcem *Terrecoviam* xii leuc. ad *Cas-*

forium ad *Deymachsoet* ad radices montium.

xx. Præter plures pagos cum amœnis hortis, ad amplum pagum *Chemshe*.

xxii. Ad *Mayar*, via hæc amœnissima est, & hortis atque viridariis undique cincta.

xxiii. Ad magnum & pulchrum pagum *Spavech* sesquimilliarium à *Spahan*.

## IX.

ITINERARIUM  
IOSEPHI SALBANCK

ET

ROBERTI COVERT

*Anglorum,*

Ex India in Persiam, & per varias ejusdem provincias, anno clc lxc ix.

**A**Ngli fregerant navem grandem, cui nomen erat *Affcensio*, ad oram Cambaiaë, & quum plerique incolumes in Indiam penetrassent, variis itineribus domum sunt reversi; nos duorum quorum itineraria Anglice typis divulgata prodierunt hic adjungemus. Eorum unus fuit Iosephus Salbank qui ita iter suum instituit.

Ab *Agra* quæ est regia hodie magni Mogolis, iter ingressus per *Byanam*,  
omisso



venimus ad pagum , octo farsang.  
 xxiii. septem. xxiv. octo ad oppidum  
*Mando* Turcis parens. xxv. octo ad  
*Emomeſter*. xxvi. ad *Borob* & trajecto  
 Flavio ea nocte ingreſſi ſunt *Bagdat*.

## X I.

## ITINERARIUM

P E T R I T E X E I R Æ  
 ab Harmuzio ad Baſoram &  
 porro per Perſiæ partem.

**H** *Armuz* diſtat à *Mafcate* Arabia  
 portu ſexaginta leucis. Ab *Harmuz*  
 navigavimus xiv Aprilis, inter inſulam  
*Queixome* ſive *Brot* & Perſiæ conti-  
 nentem, per fretum quod, ubi maxi-  
 mum, in latitudinem patet leucas tres,  
 ubi minimum, dimidiam leucam; hæc  
 inſula patet in longitudinem viginti  
 quinque aut triginta leucas, in latitu-  
 dinem decem aut duodecim ubi latiffi-  
 ma eſt: habet aliquot portus ſed haud  
 magni momenti; intra fretum hoc  
 præcipui ſunt *Dargahon*, *Lapt*, *Chan*,  
*Sermion*: extra habet promontorium  
*Queixomes* arboribus opacum, & præ-  
 ſtantibus fontibus riguum; *Karvez*  
*Angan*

## A P P E N D I X.

## I O A N N I S B O T E R I

## Relatio de Regno Persarum.

**P**ERSIAE, Persarumque nomen aliquanto tempore suppressum fuit, primùm ab Arabibus (qui Persis subjugatis, ut eos ignavos redderent, lege sanxerunt, ne amplius Persæ, sed Saraceni dicerentur) deinde à Tartaris, primò ductu Chingis, postea Tamerlanis. Sed paulò ante nostra secula, pristinae gloriæ restituta est Persia, virtute Ismaëlis Sophi, de cujus origine aliqua tradere abs re non erit, quod ad consequendam notitiam status regnique Persiæ facere videntur. Cùm Mahumetes (à quo secta Mahumetana nomen habet) apud Arabes, divitiis suæ dominæ (à qua hæres institutus erat) & novo dogmate (quod in vulgus spargere incipiebat) nomen sibi parasset, duxit in secundam uxorem Aissam, cujusdam Bubaci viri prædivitis, & magnæ existimationis filiam: illiusque & Omari & Ottomari, ejus parentum favore, collegit magnum Arabum numerum, cepitque titulo & prætextu religionis, multa oppida, quæ ei vicina erant, deditque eo tempore  
Hali